

bile, à cerebro ad locum illum, aut potius vt porus: quod non est adeo inconueniens, cum à natura hoc modo fiant in pueris.

Prognosticum. Si vult seruare exquisitam victus rationem, spero quod curabitur.

Curationis autem huius affectus, quo affligitur hic vir, potissimum fundamētum est, vt prohibeamus materiam, ne distillet: hoc verò neutiquam facere possumus, nisi membris mandantibus prospiciamus, ita quod tota ratio curę consistat in eo, vt membra corroborentur, hepar scilicet, ventriculus & cerebrum, ne generentur excrementa in corpore. Quod maximè fiet recta ratione victus, in qua quidem cum multipliciter delinqui possit, in aere, cibo, potu, & reliquis: ideo curabit vt sibi viuat, & non aliis, quare non amplius peregrinabitur. Obseruata recta victus ratione bis in anno purgabitur ad huc modum:

R. Specierum hieræ simpl. ʒ. ij.

Cassia ʒ. j.

Fiat bolus, detur ante prædium hora vna. Postea vtatur septem vicibus infra scripto syrupo:

R. Syrupi de stœchade,

De infusione rosarum ana ʒ. j.

Decoctionis fœniculi

Anisorum

Rosarum ʒ. iiii. Misce.

Sumat deinde infra scriptam medicinam.

R. Pillularum cocchiarum ʒ. iiii.

Cum melle rosato fiant pillulæ, quas sumat manè cum custodia. Temporibus intermediis. Interdum vna hora ante cœnam sumat tres infra scriptarum pillularum:

R. Aloes optimæ

Agarici electi ana ʒ. iij.

Myrobalanorum chebulorum ʒ. ij.

Nucis muscatæ ʒ. j.

Puluerizentur & commisceantur, deinde aspergantur cum succo rosarum, & permittantur exiccari: postea cum melle rosato fiat magdaleon, de quo fiat pillulæ pro ʒ. iij. vel sumat pillulas de hiera simpl. solas, vel cum rhabarbaro aloë: in hyeme verò pillulas de tribus. Vtatur pro masticatorio sola mastiche tunc, cū corpus exquisitissimè fuerit purgatum. Nisi enim id fiat, nūquam ego confulerem masticatoria, maximeq; in hoc corpore in quo gingiux sunt paratæ ad suscipiendas fluxiones. Ideo diuersiones potius fiant ad partes posteriores frictionibus & ventosis. Pro confortatione infra scripto remedio vtatur:

R. Tutia optimè præparatæ,

Corticum ouorum puluerizatorum,

Aloes optimæ ana ʒ. j.

Inuoluantur in panno lineo, & fiat pila. Infundatur in aqua fœniculi, suspensa cum filo: postea sæpe in die exprimatur ea pila in oculos, vel sola aloë puluerizata in aqua rosarū posita, quæ roborat, abstergit, & purgat oculos vt ventriculum. Si verò perseveraret mala dispositio oculorum, & sentiret se non leuari cū remediis supra scriptis, fiat cauteria & fontanellæ in utroq; brachio supra cubitum, per spacium quatuor digitorū parte exteriori, tenedo semper aperta cum pila cerea, sicut solet fieri. Corroborentur autem

A membra, hepar, ventriculus, & caput: inter reliqua maximè laudo zuccharum rosatū, quod videtur esse proprium morbis vetriculi & hepatis: abstergit enim, corroborat caput, & prohibet ascensum vaporum. Habet decoctum ex malo granato, balauistiis, rhu obsoniorum, hypocistide, & similibus in vino, quo os abluatur. Caput etiam corroboretur calefacientibus, aspergendo ei pulueres, tum etiam decoctis factis ex maiorana, chamomilla, agarico, & cum sapone confecto cum agarico, abluendo caput vesperi, & postea domo non egrediatur. Caput purgia hinc quoq; conueniunt, quibus etiam Gal. in morbis oculorum vtitur. Quod si aliquis dicat hoc esse malum factum, quod diuertamus materiam ex cerebro per locum affectum: is aduertere debet, quod tunc hoc licet facere, quado exquisitissimè corpus est purgatum: quam exquisitissimam purgationem, nisi præsupposuissem antea ab eo fieri debere, nunquam ei masticatoria proposuissem: **C** gingiuas enim etiā habet paratas ad fluxus, neq; tuta essent caput purgia: diuersiones potius fierent ad partes posteriores, cū frictionibus & cucurbitulis siccis in dorso. Sed his non iuuantibus, postremò (vt iam monuimus) ad cauteria erit confugiendum.

CONSILIVM CIX.

Pro muliere laborante morphaea in facie.

D. CRASSVS.

NOBILISSIMA mulier patitur defædationem in fronte, quæ descendit infra oculos, & occupat partem aliquam faciei, à Nouembri vsq; in hunc mensem Aprilis. Credo eum esse morbum, qui Græcis ἀξος dicitur, & prouenit à quouis humorum malorum, qui mistus sanguini corrumpit eum, & à natura inde ad cutim expulsus, eam vitiat. Euacuatum hætenus est corpus secunda vena, datum postea rhabarbarum ex infusione, nec tum mitigatus est morbus, sed potius exacerbatus. Applicata quoque localia sunt extrinseca, quæ exiccarent, & roborarent, nihil profuerūt, ita vt videatur melius habere, cum nihil exhibeatur. Vnum est mirabile in hac muliere, semper enim augetur morbus, cum patitur suos menses.

MONTANVS.

F Si volumus aliqua afferre remedia huic dispositioni præter naturam, qua laborat nobilissima fœmina, oportebit prius diligenter videre ipsam dispositionem, à quibus causis pèdeat. Et licet ego antehac non viderim, tamè ex hac accessione, & ex dictis vestris, potui intelligere naturam huius defædationis esse talè: Color subalbidus est, cū nigredine quadam, ita vt color cineritius ex albo & nigro compositus sit. Quod ad substatiā, habet abscessum, & vlcus est ex materia adusta, ac sicca: quod si scalpatur profundius, sentitur humiditas emanās. Abscessus satis magnus est, sed aliud aduertendū, serpit, & dilatatur per longum & latum descendendo. Habemus igitur absces-